

WAS GOAHD?

Vrriggd, wia manchr tiggd,
Wia oinr sei' Talent en d' Wüschde schiggd
Suspekt, wia's manchr checkt
Wia so oinr, wo nix koa' - sich dodal perfekt vrschdeggd

Fatal bis kolossal,
Wenn oinr saudomm isch' ond trotzdem erschde Wahl
Beknaggd bis ibrgschnabbd
Wenn doa oinr saut wia wild ond äwwel uf dr Schdelle dabbd

Pompös ond ruinös - bravourös ond desaströs
Denn - noach em allerletzschda Kick
Doa suchd di Yuppie-Republik
Ihr Super-Hyper-Mega-Großes Gligg

Perplex ond oversexd, vom Rastafari-Larifari ganz vrhexd
Borniert ond oageniert
Älle Menschr flippad rom brauchad schdändig Publikum
ond froagad bloß :
WAS GOAHD?